

AN GAIDHEAL

THE GAEL

THE MONTHLY MAGAZINE OF
AN COMUNN GAIDHEALACH

Editor

REV. T. M. MURCHISON, M.A.

All correspondence should be addressed to the Editor,
except that concerning advertising, which should be
addressed to the Secretary, while Subscriptions should
be sent to the Treasurer.

65 West Regent Street,

Glasgow, C.2.

Telephone: DOUglas 1433.

CLAR-INNSIDH

Principal Contents

Gaidhlig	21
("A.D. 1286")	
English	25
The Late Mr. John J. Currie	
Letters to the Editor	
Comunn Na h-Oigridh	
National Mod, Largs	
Is Manx Dead or Dying?	
'Mist on the Hill'	
Cultural Traditions and Military	
Interests	
Notes and Comments	
Fear Ghriminn agus Fear Bheinn-a-	
bhaoghla	
Treasurer's Notes	
An Gaidheal Og	5
Each Buidhe Rònaidh	
Anns An Dorchadas	
Creideamh	
Eilean Bhatarsaidh	
Donnchadh Bàn Mac an t-Saoir	

Leabhar LI

AM MART, 1956

Aireamh 3

"A.D. Da Cheud Dheug Ceithir Fichead 's a Sia" 1286 A.D.

le IAIN M. MOFFATT-PENDER.

(An Dealbh-chluich an aon-sealladh, a choisinn Duais-chuimhneachain Seann Laoich na
Cèilidh a thugadh le Cèilidh nan Gaidheal an Glaschu aig a' Mhòd Nàiseanta, 1955).

AN LUCHD CLUICHE

An t-Aba	-	-	-	-	-	-	-	-	-	An t-Ard-Athair Anastasius
An Sagart	-	-	-	-	-	-	-	-	-	An t-Athair Calum
An Seanchaidh	-	-	-	-	-	-	-	-	-	Ailean Iain
An Teachdaire	-	-	-	-	-	-	-	-	-	Mac Alasdair Eachainn
An t-Amadan-Cleasaiche	-	-	-	-	-	-	-	-	-	Tòmas Troich
An Ceannard-Airm	-	-	-	-	-	-	-	-	-	An Ceannard Somhairle
An t-Oganach	-	-	-	-	-	-	-	-	-	Aonghas Dubh
Ogha-nighinn an t-Seanchaidh	-	-	-	-	-	-	-	-	-	Màiri
Ban-rìgh na h-Alba	-	-	-	-	-	-	-	-	-	A' Bhan-rìgh Yolande

A' Choisir, Saighdearan, Mnathan-Uasal

Cha robh Alasdair III ach ochd bliadhna de
aois aig an àm a fhuair a athair, Alasdair II,
bàs. B'ann a thaobh an rìgh òig a bhith 'na
bhalach a bha luchd-eachdraidh a' toirt uiread
de chumantas air na nithibh a thachair aig a
chrùnadh. Am measg nithean eile a bha iad
ag ràdh, thubhairt iad gum b'ann an Laidinn
agus am Fraingis a bha na mionnan-crùnaidh
air an cur an céill. Agus bha e air a ràdh, an

uair chuir easbuig Chill Rìmhinn an crùn air
ceann an rìgh òig, an déidh da a bhith air a
ungadh le h-olaidh, agus e 'na shuidhe air
Clach a' Mhanaidh—is e sin ri a ràdh, an Lia
Fàil—an eaglais Sgàin, gun d'aidich a chuid
thighearnan ùmhlachd da air an glùinibh, agus
gun do sgaoil iad an cuid bhrat fo a chosaibh.
Agus an sin gun tàinig Seanchaidh Gàidhealach
ann, agus gun d'innis esan do'n rìgh òg ainmean